

經行之處救療病人當助治之莫令不癒若不癒者不用吾言枉殺善人汝等頭破作百二十分矣急急如太上口勅消災護人律令

太上洞淵神呪經卷之三

始三

九

太上洞淵神呪經卷之四

殺鬼品

始四

道言自伏羲以來壞軍敗將舉衆形殘刀兵腥死萬萬爲虜或有露尸骨節分張身首他處或飛或揚精神不得集聚或有身無頭有足無手有口無目千千萬億遊託自守依山倚木取人年命人不備知惟亂人心動欲作崇崇耗田蠶凡百不利惱人家親張生異端令生人大小疾病六畜暴死口舌官事水火數起令人不吉此都是汝等世間客死之鬼與雲中李子敖游遊雲間來往海濱東西南北乘風駕雀捉人雞犬鳥獸妄作妖性天橫生人求其血食俗師所占恐怖生人卜言家親共作其禍逐生俗道汝等小鬼聞之因便承峻放石無有不下以凶重加無往不害害人元元自謂汝等如是以來世人在死者半自今以去大魔王四十八億萬王有八億萬小王等各各勅下收取世間一切小鬼何者疾病主人主人今病危厄甚爲困篤恐不全治汝等速收病人之鬼急去千里若不從

命吾遣大煞將軍九億萬人次次逐汝等新之不怒也魔王等各急攝之矣

道言自今若有口舌向人云云者太陰官一十四萬人殺汝妬鬼若有官事刑獄囚繫之者尊示君七十二萬人殺汝木索斗劫之鬼若有水火之炁者吾遣宋統文曰領風水將軍二十八萬人殺之令瓦解丁零鬼山園木子鬼大殃走死鬼六畜人形鬼五木百魅鬼變夷貊獠鬼北狄羗虜鬼山上鬼山下鬼水中鬼火中鬼射公萬種鬼十二亂病鬼六畜奴婢鬼自刺自殺鬼一切大小鬼子自今以入地千尺勿復令人病困官事者了鬼悉自散若不去者斬汝等不怒之矣


道言自今以去道士爲人治病病人家來迎子等子等先爲作符安十二辰及門戶井竈各各丹書懸之又作吞符三七道一日三時與病人服之夜亦三服之道士三時爲中庭北向上口章請於轉經行道用三時步虛若不能作大齋者但即慕道士三時行道若能作大齋者一如法耳亦說布施布施者天

神為人可利人耳若不布施經神不祐令人有病即不癒矣

十六符 白素求書依方鎮貼第一二
 五巽第六午第七坤第八酉第九乾
 第十子十一辰十二家庭十三震上
 十四廟上十五水中令病人吞服
 十六宜書二十一一道三時服之




懸之
大明



懸之
大門



置之
戶上




東方
卯位



東南
巽位




南方
午位




西南
坤位




西方
酉位



西北
乾位



北方
子位



東北
艮位




厭除 解 藥 靈


氣水中令
病人吞符



貼之
廟上



安之
廟上



縛之
家庭

道言今有三洞大法師法師中最上矣若三界之中有道士男女之人有受者鬼王護之今治病悉瘥人鬼無他自今以去若有道士轉此經疾病不愈任官不遷刑獄不解者鬼王青真大魔王等頭破作十二分矣

道言十方諸鬼一切真偽等神一萬八千道悉二千六萬赤鬼自今以去各各攝汝等下兵去一切刺之令片去萬里莫令病虐萬民也及此間土地之靈若道士行經之處病自瘥愈萬願從心若一旦不如法者汝等大倫鬼王頭破作三十分矣

道言今世人病者連子所為也天道十二種力士收之自今聞太上三洞法師道士救護病人轉經行道男女之人作齋之家若不助道士令生人病復不瘥者新殺之不想矣



三洞
齋符

道言連子等八千萬人專行毒惡令人瘥悉重病今連子三十六萬人下行日痛自今以去汝等攝汝下絕若復不去者鬼王等頭破作六十分矣

道言世間無善人善人者天上來耳國王大道言亦天上來也今有奉三洞之者先世有其重緣今則聞見也自今以去若道士化行之地鬼王追逐佐助之有病令瘥矣勿使死也若一旦不如法者斬之不想矣

道言世人不信大法是以多有罪人罪人入地獄鬼兵亂行善惡不別今有一受道者大魔王紫真孔倫馬廷帥崇悅淵等各各助為作力令道心堅固圍主奉之開化愚人若道士治病之處鬼悉自攝去千里若不伏者魔王等斬之不想矣

道言今十方之鬼則魔王所統也自今以去不得輕殺良善書藏夜行取人男女道士行處鬼王佐助莫令惡人邪鬼攝犯道士也若有人鬼圍向道士施其惡心者一一誅之令人鬼俱死以明道心太上至言汝等慎之慎

之若一旦不從斬之不想矣

道言世間罪人有八十九種殺鬼山林水大風土大鬼三千九百數大和鬼王領之行萬種病三十六種六畜之鬼鬼王名都奴領八十萬小鬼下行惡瘡下血之病復有三千鳥鬼鬼王名文慶子行赤病白癩病病不可治有作惡逆不信三洞之要者悉值此惡鳥飛來下此病病者萬不可瘥也自今以去若有道士所救之處便令疾病除瘥萬願從心矣鬼王等遵功萬等也

道言中國有三千九萬人應仙秦川漢蜀三吳之中孫道留王子寧唐萬生焦石子劉光之馬承慶苗太初司馬平郭秀之丁太倫樂法護謝英安費侯王子林元伯任元孫支道林等三千人為杜蘭素採藥悉來武當官中今世道士一心受此三洞法亦得與此仙人等相俱耳道士但努力自救萬民有死之者令得無他汝等行道轉經之地魔王自伏耳若不伏者吹吹轉之不想矣道言三洞之法神呪為要何以故此經伏一

切大魔王魔王不取撓之也自今以去若有道士經行之處魔王等四十九王烏川連子文吉休馮離子等三千六百小王各各護持此道士勿令摘犯此道士也若爾者當遵汝等令昇仙無為矣若不救此道士助惡為勢壞亂正法令道士救治不瘥所為不允一旦有惡者魔王等悉坐斬之不想一一如太上口勅急急如律令

道言天下有四十九萬惡鬼鬼來令人殮死行萬種惡惡悉來殺人得道士轉經之時其疾則止國王因亦信道奉受三洞子孫傳貴大魔王王子烏純林期八千萬人壬午癸亥之年領萬鬼殺人已知汝名字自今以去不得枉殺良民如此者大魔王小鬼等患信恣陽之徒各各斬之不想矣

道言中國壬辰年有真君出世三千萬人主者一人耳時世多病男女之人壬午年入山勸化愚人愚人不信道法不受三洞水來淹殺刀兵交與奈何奈何唯有受經道士魔王護之終不橫死當令道士治病病無不瘥也

若一旦違法魔王等頭破作十八分矣

道言天下多惡人不知有道見者不從是以多死耳今有三洞法師入鬼所奉若自今以去道士轉經行道之處魔王等不得撓之也若一旦違命鬼王等天斧斬之不想矣急急如太上口勅律令

道言一一告下三十六天魔王魔王王子等一切敬受奉行

太上洞淵神呪經卷之四